

DISCOVRS DE
LA GVERRE ADRESSE'
A TOVS CHRESTIENS
FAISANS PROFESSION DES
armes. Par vn Gentil-
homme François.

*Conuertissez-vous, Et vous verrez la
difference qu'il y a entre le iuste & le
meschant, entre celuy qui sert à Dieu
& celuy qui ne luy a point seruy.*

Malachie 3. 18:

A MONSIEVR DE
Briquemault Cheuallier Sei-
gneur de Briquemault, &c.

1615.

Auec permission.

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210

AD 2303210



DISCOVRS DE LA
GVERRE ADRESSE
à tous les Chrestiens faisans
profession des armes, par vn
Gentilhomme François. 1615.

*Conuertissez-vous, & vous verrez
la difference qu'il y a entre le Iuste
et le meschant, entre celuy qui
sert à Dieu, et celuy qui ne luy a
point seruy. Malachie 3. 18.*

A Monsieur de Briquemault Cheua-
lier, Seigneur de Briquemault,

MONSIEVR, Estant du
nombre de ceux qui ont eu
l'honneur de servir le Roy sous
vostre charge en Piedmont,
sous la conduite de Monsieur
Desdiguieres, me ressouvenant du temps que

ie iouyssois de la douce prinauté dont il vous
 plaisoit m'honorer, estant avec vous comme
 en vne Escole de vertu. Je vous diray,
 qu'outre les traiçts de vos accorts & ge-
 nereux desportemens à la guerre, i'ay prin-
 cipalement remarqué tant de Zele, de sin-
 guliere pieté, & autres vertus, que i'ayme
 mieux dire à d'autres qu'à vous mesmes,
 avec vostre courage, que ie me suis persua-
 dé que c'estoit à vous à qui ie deuois dédier
 ce petit Traicté. Estimant qu'il vous se-
 roit d'autant plus agreable, qu'il contient
 des preceptes que tous tant grands que pe-
 tits, se doiuent ramentenir, pour se bien
 acquiter deuant Dieu & les hommes de ce-
 ste vacation des armes. Je me doute bien
 qu'estans en vn siecle auquel il ne se faut
 estonner que du bien: que ce que ie dy ap-
 prestera peut estre a rire en partie a quel-
 ques profanes, specialement pource que ie
 condamne en passant, vn vice que ceux de
 nostre profession estiment estre vne vertu
 sans contredict. Mais qu'importe puis que
 ceste profane ambition est condamnée de
 Dieu: voire puis que ce grand Dieu des ar-
 mees, estant assis en son siege Iudicial doit ren-
 dre a chacun selon ses œuures? Nous doit-il
 pis suffire que le monde soit tesmoin de leur


folie, & le ciel iuge du tort qu'ils se font
a eux-mesmes? Or ce seroit vne chose gran-
dement déplorable, apres auoir conuersé
comme les autres, la raison s'estant donnee
à nous, nous ostant l'usage d'elle-mesme:
pour courir encore en mesme abandon de dis-
solution avec les enfans du siecle.

Partant, Monsieur, ostant toute charge
& le peché qui nous enuoloppe tant aisé-
ment: Poursuiuons la course qui nous est
proposee, à fin que quand la sapience vien-
dra iustifier ses enfans, nous puissions estre
trouuez de luy sans reproche, pour experi-
menter l'effect de la misericorde de nostre
Sauueur, lequel ie supplie vous conseruer
& maintenir en toute prosperité avec tou-
te vostre famille. Je suis

Monsieur,

Vostre tres-affection-
né Seruiteur,

E. D. B.





DISCOVRS
DE LA GV ERRE
ADDRESSE' A TOVS
CHRESTIENS FAISANS
profession des armes. Parvn Gen-
tilhomme François.

*Conuertissez-vous, & vous verrez la dif-
ference qu'il y a entre le iuste & le mes-
chant entre celuy qui sert à Dieu, &
celuy qui ne luy sert point.*

Mal. 3.

COMBIEN que le faict de la 18.
guerre ne soit point contrai-
re à la foy, entant que c'est
vne dépendance de la charge
du Prince ou Magistrat, le-
quel la foy reconnoist pour
la conseruation de la paix exterieure en la ne-
cessité de la vie presente. Si est-ce qu'il a quel-
que consideration particuliere d'une si dan-
gereuse consequence s'il n'est compris en la
conscience qu'il appartient, qu'il se rend pres-
que incôparable avec la foy: non de sa nature

mais par le defect quasi inueitable des instrumens qui sont employez en vn tel fait. C'est pourquoy le Seigneur prend ce tiltre cōme à luy seul propre, de se nommer le Dieu des armées, & duquel dauid reconnoist qu'il a appris le mestier de la sainte, iuste, & necessaire guerre en l'escole du Seigneur: disāt que c'est luy qui duit ses mains au cōbat, & ses doigts à la bataille. Puis il l'inuoque à ce qu'il luy plaise prendre luy mesme les armes pour son seruiteur, comme conioignant le but de son service avec l'adresse qu'ils'en promettent, en quoy il ne s'est iamais trouué trompé.

Psal. 13.
31. &
144.

Pour donc en remarquer quelques principaux points à quelque bonne fin, il me semble en premier lieu, que la vacation des armes n'estant point deffendue de Dieu, doit tenir tellement vn milieu entre les deux extremittez, sçauoir est, ou de l'abhorrer, absolument, ou d'en faire son principal but. Que pour se tenir au plus sain party, on s'y peut appliquer avec vn resentiment interieur nommement d'vn vray regret entant qu'il ne se peut euitier pour maintenir l'homme en quelque paix temporelle, il ne faille quel'homme n'extermine l'homme par lespee en iuste guerre, comme en retranchant vn membre nuisible à l'integrité du corps.

Iean. 3.
14.

Ce point presupposé Generalement, reste à considerer les suiuan desquels l'examen, & discussion doiuent aussi estre commis au Prince, Chef de l'Estat, avec son vray & legitime Conseil, en sorte que nul en son degré ne se permette

permette d'aller en guerre les yeux bandez, comme n'ayant a rendre compte des fondements de la Iustice de la cause. Car il se doit presupposer raisonnablement, que la guerre qui ne se doit exercer qu'à l'extremité, est pour le droit public commis au Prince ou Magistrat souuerain, auquel tous ont deuoir de subiection, & seruice.

A ceste fin donc, ne restea qui que ce soit, sinon de demander à Dieu, vne bonne conscience, pour se pouuoir tellement acquitter de sa vacation en son particulier, qu'il ne soit engagé d'aucune affection d'inhumanité, ny de pillage, d'ambition, ou autre desbordement quelquonque attendu que c'est plus qu'assez de mal, de la peine qu'on faict sentir à ceux contre lesquels on porte ou desploye les armes, sans y adiouster vne mauuaise affection particuliere, qui seroit se faire la plus mauuaise guerre à soy mesmes. Car celuy qui desire la guerre, ou la procure pour assouuir sa conuoitise, doit considerer qu'il se faict instrument de la vengeance de Dieu: entant que la guerre est vn fleau de son ire, se rendant par ce moyen coupable du sang deuant Dieu, dont il aduiet diuers iugements sur les vns, & les autres, d'autant qu'on ne faict pas le plus souuent la guerre par vne necessité forcee pour maintenir vn bon droit, auquel cas elle ne peut estre condamnée: mais quasi tousiours par vne conuoitise de se preualoir ou agrandir, ou enrichir de la ruïne d'autrui, & que le but de la guerre, n'est pas le souhait de la paix en la crainte de Dieu, & Amour du

prochain selon Dieu.

Les fondemens recogneus selon que dessus reste a bastir l'exécution en temps, & lieu, puis maintenir apres le plus fort, accomplir par bon ordre ce qui a esté entrepris avec bonne intention, d'autant que ces trois parties la, se doiuent rapporter l'une à l'autre, à sçauoir de bien comprendre le fondement de son deuoir, de se bien disposer à l'aquit d'iceluy : & puis faire valoir par bons moyens l'euenement, & succez qu'il aura pleu à Dieu enuoyer.

Pour ce second point donc, n'entrant aux particularitez qui sont de la Police & reiglement militaire, sinon pour toutes en passant. Il est tres-requis qu'il y ait vne bonne correspondance tant des Chefs, avec ceux qui les suivent, comme aussi des particuliers les vns avec les autres, par vne certaine vnion & proportion des superieurs aux inferieurs, en respect & agreement reciproque : & du pair à pair, par vn support & entretelement mutuel, comme de freres par ensemble : au lieu d'une confusion ruineuse, dont il aduiét souvent que Dieu espend son ire sur la confusion.

Or ne peut-on se mettre en train de bien faire, que par la meditation de la volonté de Dieu, pour se fortifier en la vocation d'iceluy par l'innuocation de son nom, soit en gros avec le corps de l'armee : soit a part ou en son cœur, selon les occurrences, Mais non par vne precipitation de deffiance comme il auint à Saül 1. Lam. 15. le tout se rapportant a la

bonne conduite & conscience des chefs, d'autant que Dieu ne retarde iamais son œuvre, & qu'il n'y a a craindre de perdre l'occasion de bien faire en s'y preparant par la rememoration de son nom.

Reste la priete qu'on doit adresser au Dieu des armées : qui est l'unique moyen pour le rendre propice, & pitoyable a ceste necessité, comme il apert par l'exemple de Moysse en la guerre d'Amalec. Exod. 17. Encore qu'il soit difficile d'en dresser certaine reigle, neantmoins on pourra aucunement se servir (ce me semble) de la forme qui s'ensuit tant pour entrer au fait, que pour faire retraite, soit en un euenement ou en l'autre.

Premierement, qu'on se recognoisse pecheur enuers Dieu, & non capable en soy mesme d'exercer son iugement sur les autres pecheurs. Qu'on luy demande pardon pour ceux qu'il luy plaist ordonner pour chastier les autres. Qu'il luy plaise de maintenir le bon droit du Roy, auquel il luy plaist que le deuoir de subiection soit rendu en la necessité de la guerre. Qu'il luy plaise donner tout'adresse, force, & bonne conduite a l'œuvre de sa iustice en la main de ses pauvres seruiteurs. Qu'il luy plaise ranger plustost par frayeur les aduersaires a leur deuoir, que non pas par effusion de sang s'il est possible, afin qu'il n'ait occasion de le redemander de la main de ceux qui ne cherchent qu'à le respendre a leur escient : mais pour le deuoir de leur vocation.

Que ceux qui viuront & mourront en tel acte, & en telle conscience, s'attendent a la

misericorde de Dieu sur leurs corps & sur leurs Ames, comme desirans, & procurans le bien mesme de leurs ennemis temporels par la necessité de la guerre.

En cas de succez, qu'on se propose de crier mercy a Dieu, pour ne s'estre comporté en son deuoir enuers luy, n'auoir tenu de cœur ny d'effect, la mesure telle qu'on eust deu: qu'on ne se plaise, ny en soy mesmes, ny en l'euenement, mais en l'assistance de Dieu, selon qu'il luy aura pleu faire sentir sa iustice. Qu'on profite au chastiment d'autrui au lieu de l'atirer sur soy mesmes, comme il aduint a ceux de Galaad. Iug. 20. Qu'on ne face estat de la prosperité tēporelle quelle qu'elle puisse aparoir: mais qu'on se ramentoie tousiours le grand dernier & iour, auquel les vns sont desia adiournez, attendans que tous y comparoissent pour y estre faicte la reueuē de l'armee des fidesles humiliez, & nettoyer de tout affection de cruauté ou oppression de leurs freres, d'auec les meurtriers, & sanguinaires adonnez a iniquité Apoc. 22.

Et en cas de desconuenance qu'on reconnoisse la iustice paternelle de Dieu sur soy franchement, nommement les Chefs selon les occasions qu'on en pourra remarquer plus expressement. Qu'on luy en demande pardon auec la grace de s'en amender, pour n'inuiter plus griefuement son courroux: selon qu'il aduint quelquefois qu'il retire sa faueur &

Voyez punit toute vne arme pour la faute d'un qui
aussi 2. aura prouoqué sa vengeance, tesmoin celle
Sam. de Iosué pour la faute d'Athan en l'interdit:

Iosué 7. Qu'on le supplie de soutenir le cœur
 deses pauvres seruiteurs en l'assurance du ^{24.17.}
 bras de sa promesse enuers ceux qui s'hum- ^{tu-}
 lient de tout leur cœur deuant luy, au lieu ^{chant}
 que l'occasion du bras de la chair destourne ^{la faute}
 bien souuent l'effect de son assistance: com- ^{de Da-}
 meil en prit a Aba l'un des Roys de Iuda. 2. ^{uid.}
 Chron. 16 Qu'on recherche tant que faire ce
 pourra, tout ce qui peut auoir offensé Dieu,
 a l'exemple de Iosué afin de procurer le resta- ^{Iosué 7}
 blissement en bien par toutes voyes de con-
 science enuers Dieu, & les hommes.

Que les chefs prenoyent aussi a retrancher
 tous desbordemens, nomment en blasphem-
 mes, en pillages qui ne sont du pur droict de
 la guerre, en violemens, ny autres actes im-
 pudiques enuers Femmes, & filles. Afin d'a-
 uoir bonne issuë, suiuant ce qui est dict par
 Moysë, le Seigneur ton Dieu, chemine au ^{Deut.}
 milieu de ton camp pour te deliurer, & te ^{23.}
 donner tes ennemis deuant toy que ton camp
 donc soit Sainct, afin qu'il ne voye en toy
 chose vilaine & qu'il ne se destourne de toy.

Que l'effort d'un combat estant aucune-
 ment passé & rabatu, on essaye a se maintenir
 en toute discipline de vertu: tenir iustice,
 droicture & equité entre les siens, a l'estran-
 ger, a l'ennemy mesmes, en toute loyauté, &
 franchise, pour aquerir & conseruer reputa-
 tion d'integrité & valeur, qui n'est iamais per-
 duë: mais rend le party tant plus ferme & re-
 commandable, pres & loing, en lieu que par
 le contraire, on perd & aneantit le faict de
 quelque auantage obtenu, quand la licence

& relasche de l'ordre & deuoir se fourre entre les personnes qui font le train de la guerre : ne trouuans en fin pire ennemy qu'eux mesmes contr'eux mesmes. Comme la nation Francoise s'est ainsi flestrie de longue main, tant au voyage d'Italie, tres-malencontreux en leur yssue du tēps de nos peres: qu'aux cōbats particuliers de ce faux masque d'honneur, dont il semble qu'ils soient enforcelez pour se destruire l'un l'autre, ne pouuans considerer qu'il n'y peut auoir d'honneur la ou Dieu est des-honoré.

Or ie ne croy pas que le Ciel, & la Terre ne passent plustost, que le Seigneur ne se venge de tant de sang ainsi respandu, & que ceux qui sont cause de telles enormitez & les maintiennent, n'experimentent vn iour l'horrible vengeance du tout puissant. Car si pour monstrier combien luy est abominable le sang de l'homme respandu de ceste façon, il dit en la loy qu'il le requerra mesmes des bettes : Qui doubte puis que pour l'amour des hommes qu'il a crees à son image, il faict punir les bestes brutes, lesquelles prennent leur pasture d'iceux, il n'aye la vengeance toute preste pour ceux lesquels contre le sens de nature, par vne fureur plus que brutale, arrachent la vie de leurs semblables.

Mais c'est merueilles que la plus part sont quasi hebetez en cet endroict, voire vn monstre incroyable qu'une si grande multitude soit saisie de ceste fureur Diabolique que Dieu (qui reçoit obeissance de tout ce qu'il a créé) trouue vne telle resistance au cœur de l'hom-

me qui est consommée a la rencontre d'un ver-
misseau, ce que ie dis en passant par forme de
digression, pour la commiseration que j'ay
de tant de personnes de remarque qui se per-
dent hors le service du Roy.

Particulierement aussi semble importer
grandement a bien estofer ce mesnage & ba-
stiment si dangereux de la guerre - que nul
n'entreprene a la legere ceste vacation, s'il ne
sent en luy mesme estre muny de force & de
courage pour s'en bien aquiter: car il n'y a dou-
te que ceux qui se portent laschemēt en telles
entreprises, ne soient dignes de punition, tes-
moing les lasches Israelites qui furent mis à
mort par les Amalécites, veu qu'estāt de nulle ^{Nomb.}
valeur, ils sont le plus souuent cause de la rui-^{14.}
ne des autres, & des mauuais succez, comme
il en prit à ceux que Moysse enuoya pour reco-
gnoistre le pays de Canaan, dix desquels fi-
rent perdre courage a tous les autres, lesquels ^{Deut. 1.}
n'oserāt ataq̃uer ceux que Dieu leur promet-^{& 14.}
toit de vaincre, dont ils furent punis de leur
lascheté.

La couardise donc merite d'estre punie par
honte & ignominie, voire mesme de mort,
selon les loix anciennes de Grece & de Rome
quant elle est grandemēt preiudiciable. C'est
pourquoy aussi Moysse, Iosué, Dauid, & plu-
sieurs autres conducteurs d'armees, ont tous-
iours renoncé ceux qui estoient de peu de
courage, & exorté les autres a se porter vail-
lamment aux combats. A quoy se doiuent
auioird'huy exactemēt conformer les Chefs:
pour bien prendre garde a exalter les gens de

Deut.

20.

Iug 7.

2. Mac.

3. 36.

merite(d'autant que plusieurs les suivent plus pour le butin que pour l'honneur) comme cela est tres-estroitement obserué parmy les Espagnols, tres-loüables en cela, outre leur belle police militaire. Qu'on tiene aussi vn loüable milieu entre la chicheté aprochant de rapine, & la profusion qui attire puis apres le pillage, & l'impunité : estant neantmoins conuenable de bien mesnager ce qui se peut recueillir du iuste conquest de la guerre, tant que faire se peut, les signalez seruices de certains bons hommes pour les garder de se venger sur ceux qui n'en peuuent-mais, qu'aussi pour soulager les pauures paisans, pauures femmes vesues, & enfans Orphelins, qui ne peuuent estre du tout espargnez de l'Orage de la guerre. Afin de maintenir & attirer de cœur, & d'effect, tout'occasion & moyen d'esperer la benediction de Dieu quand il sera temps.

Et ce pendant au reste, se maintenir en la reputation d'hommes de vertu entre les hommes, qui est le principal salaire d'vn tel deuoir que rend ordinairement la iuste guerre: & administrer au moins mal par les instruments qu'il a pleu a Dieu employer en ceste infirmité & déprauation de nature humaine, que nos pechez apres ceux de nos peres, ont attiré & attirent encore par trop sur nous.

F I N.